

ՎԱԼԱՆՍԻ ՀԱՅ ՀԱՄԱՅՆՔԸ

Ն. Ա. ՄԿՐՏՉՅԱՆ

Սիրիայից, Լիբանանից, Հունաստանից և Պոլսից հայ գաղթականների դեպի Նվրոպա և ԱՄՆ տանող երթուղու վրա Մարսելը նավահանգստային այն քաղաքն էր, որտեղ ափ էին իջնում եղեռնից մազապուրծ եղած հայ տարագիր զանգվածները: Նրանց մի մասը շարունակում էր իր ճանապարհը դեպի ԱՄՆ, իսկ մնացածները համապատասխան բնակատեղ և ինչ-որ աշխատանք գտնելու վ հաստատվում էին Մարսելում: Գաղթականների երրորդ խումբը, որը շուտով սոցիալ-մասնագիտական անհրաժեշտ կարողություններ և չէր կարողանում կենսապայմաններ գտնել Մարսելում հաստատվելու համար (Մարսելում կուտակված էին մեծ քանակությամբ հայ գաղթականներ), թողնում էր քաղաքը, հաստատվում Ֆրանսիայի այլ շրջաններում, որտեղ կարող էին լինել նյութական և սոցիալական տանելի պայմաններ:

Մարսելից Ֆրանսիայում հայերի տեղաբաշխումը կատարվել է երեք հիմնական ուղղությամբ. ա) Հարավային շրջան, Միջերկրական ծովի ափերին բնակած վայրերը (Տոլուզ, Լա Սիստա, Լա Սեյն, Նիցցա և այլն), բ) Կենտրոնական շրջան՝ Մարսել-Փարիզ երկաթուղու ուղղությամբ տեղաբաշխված քաղաքներ (Լիոն, Վալանս, Սենտ-Էտիեն, Գրենոբլ, Վիեն, Սեն-Շամոն և այլն), գ) Փարիզի շրջան (Փարիզը իր Իսի-Լը-Մուլինո, Ալֆորվիլ, Սևրան, Կլամար և այլ արվարձաններով):

Վալանս առաջին մուտք գործողներից էին խարբերգիները, մալաթիացիները և արճեղջիկները, որոնք քաղաք հասնելուն պես 15 օրվա ընթացքում պետք է գրանցվեին քաղաքապետարանում և կատարեին մի շարք վարչա-իրավական ձևականություններ: Վալանս եկած հայերը ստանում էին գրանցման քարտ: Այն 1926 թ. փոխարինվեց աշխատավորի ինքնության թղթով, որը ֆրանսահայի միակ փաստաթուղթն էր¹:

Վալանսում բնակություն հաստատող հայերի համար դժվարություններ չատ էին (ֆրանսերենի չիմացությունը, տեղական կուլտուր-կենցաղային և էթնիկական հմտությունների բացակայությունը, դեպի «ասիացիները» տեղի բնակչության կասկածամիտ վերաբերմունքը, համապատասխան մասնագիտություններ չունենալը և այլն): Հայերն աշխատում էին գործարաններում ու ֆաբրիկաներում: 1931 թ. տվյալներով վալանսահայ տղամարդկանց 50 %-ն աշխատում էր որպես սեագործ բանվոր և միայն 10 %-ին էր հաջողվել տեղավորվել որպես բանվոր: 25 %-ը զբաղվում էր միջին չափերի, իսկ 15 %-ը՝ մանրածախ առևտրով: 1926 թ. Վալանսում ապրում էր 796 հայ, որոնցից 550-ը՝ հին քաղաքի շրջանում: 60-ից բարձր տարիք ունեցողները կազմում էին 2 %-ը²:

Վալանսահայերի երիտասարդ տարիքը նպաստում էր ամուսնությունների զգալի աճին: Այն 1926 թ. կազմում էր 23,6, 1929 թ.՝ 46 %, իսկ 1930 թ.՝ արդեն 50 %³: Այս թվերը պարզորոշ ցույց են տալիս, որ ամուսնություն-

¹ A. Blaise, A propos de la communauté armenienne de Valence (these). 1987—1988, p. 26.

² P. Garagnon, La colonie armenienne de Valance sur Rhone (Revue de Géographie Alpine, 1955, p. 525).

³ A. Blaise, նշվ. աշխ., էջ 28:

⁴ A. Boudjikianian-Keuroghlian, Les armentens dans la region Rhone-Alpes (Revue de géographie de Lyon, 1978, p. 108).

ների թիվը 5 տարվա ընթացքում ավելի քան կրկնապատկվել է: Ամուսնությունների բարձր աճն իր հերթին հանգեցնում էր ծնունդների բարձր տոկոսի (1925 թ. կազմում էր 50) և նպաստում համայնքի արագ աճին: Զարգացման այս տեմպերը ատեղծում էին համայնքի առցիակ-մշակութային ինտեգրացման բարենպաստ գործոնները: Վալանսի առցիակական կյանքի մեջ հայերի հեր-գրավման գործընթացին զուգահեռ ի հայտ եկան նաև ազգային-ավանդական ինստիտուտները: Հայ առաքելական եկեղեցին, ինչպես ամբողջ Ֆրանսիայում, այնպես էլ Վալանսում, դարձավ ազգային-համայնքային կյանքի կենտրոնա-տեղին: Հայ առաքելական եկեղեցին Վալանսում գոյություն ունի 1926 թ. և նրան վից յարոցը հիմնվել է միաժամանակ ինչպես հայտնի է, հայկական եկեղեցիները սփյուռքում բացի հոգևոր ֆունկցիաներից, ունեն նաև մշակու-թային, կրթական և քաղաքական նշանակություն: Վալանսում ա. Գրիգոր Լու-սավորիչ եկեղեցու շենքը կառուցվել է 1953 թ.: Ժողովրդական հանգանակու-թյամբ: Վալանսահայ բնակչության 70 % -ը պատկանում է առաքելական եկեղեցուն և իր մեծամասնությամբ այս պատճառով կերպ մասնակցում է եկե-ղեցական ծեսերին ու արարողություններին: 1920-ական թվականներին հիմնվել է նաև հայ բողոքական համայնքը, որը սկզբնական շրջանում գոր-ծում էր ֆրանսիական բողոքականների հետ համատեղ, սակայն այս հա-մայնքի գործունեությունը հետագայում դարձավ ավելի ընդգծված ազգային: Արդեն 1950 թ. նրանք ունեին իրենց կրոնական հավաքատեղին: Վալանսում ավելի ուշ շրջանում՝ 1936—1938 թթ., կազմակերպվեց նաև հայ կաթողիկե համայնքը: Այստեղ առաջին քարոզչիներից էին Մխիթարյանների ներկայա-ցուցիչները, որոնք և դրեցին կաթողիկե համայնքի հիմքը: Հետագայում, պատերազմից հետո, հայ կաթողիկեներն ունեցան նաև իրենց շենքը Վալան-սում: Այս համայնքին է պատկանում վալանսահայության մոտ 5 % -ը: Վա-լանսի կաթողիկե հայ համայնքի համար Խոշոր իրադարձություն էր կարդի-նալ Աղաջանյանի այցելությունը Վալանս, որտեղ նա հանդիպումներ ունեցավ արդ համայնքի ներկայացուցիչների հետ: Վերը նշված կրոնական համայնք-ներից բացի, Վալանսում գոյություն ունի այսպես կոչված «Մարանթա» բո-ղոքական աղանդի հետևորդների համայնքը, որը բավականին մեծաքանակ է (հավատացյալների մոտ 10 % -ը):

Կրոնական համայնքների ստեղծմանը զուգընթաց հիմնվում են նաև հայ երեք կուսակցությունների մասնաճյուղերը: Վալանս եկած հայ գաղթական-ների մեջ քիչ չէին նաև քաղաքական գործիչները, որոնք սկսեցին վերստեղծել իրենց կուսակցական մարմինները. մի խումբ ռամկավարներ 1925—1926 թթ. ստեղծեցին ռամկավար ակումբ, որը միավորում էր մոտ 30—40 համախոհ-ներին:

Նույն թվականներին է ստեղծվում Հ. Հ. դաշնակցության Վալանսի առա-ջին խումբը, որը 5—6 տարվա ընթացքում վերածվում է ուշագրավ մի կազ-մակերպության, 100-ից ավելի անդամներով: Վալանսի քաղաքական կյանքը մշտապես սերտորեն վապրված է եղել հայաբնակ կենտրոններին՝ Փարիզի, Լիոնի և Մարսելի քաղաքական իրադարձությունների հետ, որոնց արձա-գանքներն ազդել են վալանսահայության հանրային կյանքի վրա: Այս իմաս-տով շատ հետաքրքիր է այն փաստը, որ դաշնակցական կուսակցության ներ-սում 1930-ական թվականներին տեղի ունեցած մարտկոտական շոտումն իր հետևորդներն ունեցավ նաև Վալանսում, ինչպես նաև զարգացման ու անկման նույն փուլերը:

1925 թ. Վալանսում ստեղծվում է նաև հնչակյան ակումբ, որն առաջին երկու կուսակցությունների համեմատությամբ ավելի քիչ անդամներ ունեւ՝ առաջին հերթին Ֆրանսիայում այս կուսակցության թույլ ազդեցության սա-ռառով: Վալանսի կուսակցական մասնաճյուղերն ակումբային տիպի են և մեծ

⁵ A. Blaise, նշվ. աշխ., էջ 33:

մասամբ կրկնում են կենտրոնական մարմինների ուղենշումները, սակայն, անդամների փոքրաթվության պայմաններում անգամ, այս կոստակցությունների ակտիվիստները տասնամյակների ընթացքում կարողանում են աշխուժորեն կազմակերպել վալանսահայ համայնքի քաղաքական կյանքը:

Երրորդ գործոնը, որը լրացնում է Վալանսի հայ համայնքի կազմավորումը, բազմատեսակ և բազմազան կազմակերպությունների հիմնադրումն ու գործունեությունն է: Վալանսում հիմնականում սկսեցին գործել ֆրանսահայ կամ սփյուռքահայ այս կամ այն կազմակերպությունների մասնաճյուղերը: Այսպես, Վալանսում հիմնադրվել են ՀՔԸՄ-ի, ՀՅԴ-ի, Համազգային միության մասնաճյուղերը: ՀՔԸՄ-ն 1929 թ. ունեցավ նաև իր մարզական խումբը, որ կոչվեց ֆրանսահայ երիտասարդության մարզական միություն, իսկ Համազգայինը՝ «Հոմենըթմենի» մարզական ակումբը:

Վալանսում սկսեցին գործել նաև հայ կարմիր ու կապույտ խաչի մարմինները, Մալաթիայի կրթասիրաց միությունը, Զափահաս որբերի միության (ՉՈՄ) մասնաճյուղը և այլն: Վալանսում գործող այս միությունները կողմնորոշված էին դեպի հայ կուսակցությունները, ինչը այս քաղաքական խումբերի առճակատմանը հավասարազոր բաժանում էր մտցնում համայնքում: Սրան հակառակ, Վալանսում 1920-ական թվականներին հիմնվում է «Ազգային միությունը», որը դառնում է վալանսահայության ներկայացուցչական մարմինը և համայնքային միասնականության խորհրդանիշը, որտեղ կողք կողքի աշխատում են կրոնական համայնքների, կուսակցությունների ու կազմակերպությունների ընտրյալ անդամները:

Համայնքի ձևավորմանը և Ֆրանսիայի սոցիալ-տնտեսական կյանքի մեջ ներգրավմանը զուգընթաց բուն համայնքի ներսում տեղի էին ունենում նաև էթնիկական ձևափոխումներ: Անգլոնական շրջանում համեմատաբար հեշտությամբ մասնակցելով Ֆրանսիայի տնտեսական կյանքին, հայերը թույլ հաղորդակցման մեջ էին ֆրանսիական շրջապատի հետ: Ֆրանսերենի չիմացությունը և կենցաղային հմտությունների քաջակայությունը սահմանափակում էին շփումների հնարավորությունը և հայերը ներամփոփված էին իրենց ընտանեկան-ազգային կյանքի մեջ: Այդ շրջանում, ինչպես Ֆրանսիայում, այնպես էլ Վալանսում բազմասերունդ հայ ընտանիքներում գերակշռում էր հայկական ազգային ոգին, որն ամբողջապես հակադրում էր ուժացման վտանգին: Սակայն, սոցիալ-կենցաղային անհրաժեշտություններն աստիճանաբար թելադրում էին տեղական ապրելակերպի նորմերը, հատկապես ֆրանսերենին լսվել շտիրապետելու: Ուստի, երիտասարդ սերունդն աստիճանաբար ձեռք էր բերում այդ հրամայական ունակությունները:

Վալանսահայ համայնքը պատերազմի տարիներին ծանր փորձությունների կրեց: Ֆրանսիական բանակ մեկնեցին մոտավորապես 350 հայ երիտասարդներ, որոնցից 10-ը ռազմի դաշտերում զոհվեցին, իսկ 72-ը գերի ընկան: Երբ զինակից բանակները Միջերկրական ծովի ափերից սկսեցին իրենց հարձակումը, Վալանսը ենթարկվեց ուժեղ ռմբակոծության և շատ հայաշատ թաղամասեր ավերվեցին: 50-ից ավելի հայեր զոհ գնացին այդ ռմբակոծությունը:

Ինչպես ամբողջ ֆրանսահայության, այնպես էլ վալանսահայերի համար, երկրորդ համաշխարհային պատերազմը դարձավ անցումային դժվար մի շրջան, որից հետո հայ համայնքում տեղի ունեցան ժողովրդագրական, սոցիալ-տնտեսական, քաղաքական և էթնիկական տեղաշարժեր:

Ժողովրդագրական պատկերը Վալանսում պատերազմից հետո վտրուկ փոխվեց: Մեկնությունն աճը 40 %-ով ընկավ: 1931 թ. այն կազմում էր 50 %, իսկ 1945-ին կազմեց ընդամենը 9 %: Սրա հիմնական պատճառն այն

6 Լ. Չորմիսյան, Համապատկեր արևմտահայոց մեկ դարու պատմություն, Բեյրութ, 1975, էջ 307:

էր, որ 1930-ական թվականներին հայ երիտասարդությունը, որը կազմում էր վալանսահայության գերակշռող մասը, ամուսնությունների բարձր տոկոս ունեցավ մինչև 1945 թ. և այդ շրջանը հատկանշում է ծնունդների մեծ աճով: Նկատվեցին նաև տարիքային բնութագրի փոքր փոփոխություններ: 1950 թ. 60-ից բարձր տարիք ունեցողները կազմում էին 8 %, և առաջին անգամ դառնում էր իր ընթացքի մեջ: Վալանսի ժողովրդագրական պատկերը փոխվեց նաև 1947 թ., երբ 303 վալանսահայեր հայրենադարձվեցին:

Սոցիալ-մասնագիտական առումով նույնպես փոփոխություններ տեղի ունեցան: 1931—1945 թթ. հայ սևագործ քանվորների թիվը կիսով չափ փերճատվեց: 1954 թ. այն կազմեց 22 %, որի հիմնական մասը բարձր տարիք ունեցողներն էին: Արհեստավորների և առևտրականների թիվը սրընթաց բարձրացավ: Այն հասավ 52 %-ի և կազմեց վալանսի ամբողջ օտարազգի առևտրականների 75 %-ը: Այս թիվը ցույց է տալիս այն զգալի կշիռը, որ հայերն ունեին վալանսի առևտրի մեջ: Վալանսահայության այս խավը նյութական միջոցներ ձեռք բերելով, իր համար բարեկեցիկ վիճակ ստեղծեց: Սոցիալական տեղաշարժերն իրենց ազդեցությունն ունեցան նաև վալանսի հայ կանանց տնտեսական ակտիվության վրա, որն արագորեն ընկավ, քանի որ հաջող գործավարությանը զբաղվող հայ տղամարդիկ ապահովում էին ընտանիքի հաստատուն վիճակը⁷:

Մինչև 1960-ական թվականները վալանսի համայնքում զգալի էլիտիկական տեղաշարժեր տեղի չունեցան: 1961 թ. հայրենադարձությունը նկատելի հետևանքներ չոնեցավ վալանսում և ամբողջապես չեղարկվեց ֆրանսահայ համայնքում: Սկսած 1960-ական թվականներից Միջին և Մերձավոր արևելքի հայ համայնքներից դեպի Եվրոպա ու Ամերիկա գնացող զաղթականների ընդհանուր հոսանքից մի խոշոր մաս հաստատվեց Ֆրանսիայում, այդ թվում և վալանսում: Այստեղ առաջին ժամանողներն էին սիրիահայերը, որոնց ամենաառաջին հոսքը նկատվեց 1966—1969 թթ.: Մոտ 100 սիրիահայ ընտանիքներ իրենց բնակության վայր ընտրեցին վալանսը և նրա շրջակայքը (շուրջ 300 հոգի):

Վալանսում Թուրքիայից զաղթած հայերը թիվ են կազմում: Գաղթականների երրորդ խումբը լիբանանից եկած հայերն են: Լիբանանում քաղաքացիական պատերազմից հետո 1975 թ. սկսվեց հայերի արտահոսքը Ֆրանսիա: Մինչև 1981 թ. վալանսում հաստատվեցին մոտ 1500 լիբանանահայեր, որոնց մեծ մասը ստացավ «վտարանգույժ» կարգավիճակ: Վալանսի հայ համայնքը 15 տարվա ընթացքում քանակապես զգալի ավելացավ: Եթե 1970 թ. վալանսահայությունը հաշվվում էր 1745 մարդ, ապա 1982 թ.՝ 4987 (միայն վալանս քաղաքում, իսկ շրջապատի հայ բնակչությունը հասավ 6000-ի)⁸:

Հայ վերաբնակիչները սոցիալ-տնտեսական կյանքում ունեցան ճանապարհ, ինչ որ իրենց ֆրանսահայ հայրենակիցները, միայն զրոյացողներն ավելի վաղ ժամանակահատվածում: Լիբանանահայերի և սիրիահայերի առավել ունեւոր խավերը տեղավորվել էին հիմնականում Փարիզում և շրջակայքում, իսկ վալանսի և զավառական այլ շրջաններում հաստատվել էին նյութական միջոց ակազմավորները: Սկզբնական շրջանում նրանք ստիպված էին աշխատել որպես բանվորներ, սակայն 10—15 տարվա ընթացքում վիճակը փոխվեց և ներգաղթյալների մեծ մասն արդեն 1988 թ. զբաղվում էր արհեստագործությամբ կամ առևտրով: Ներգաղթողների արագ տնտեսական ինտեգրացման կարևոր պատճառներից մեկը բուն ֆրանսահայերի ստեղծած առևտրի ու տնտեսության արդեն գոյություն ունեցող կառույցն էր: Լիբանանից, Սիրիայից և Թուրքիայից ներգաղթյալները ոչ միայն քանակապես, այլև

⁷ A. Blaise, նշվ. աշխ., էջ 105—108:

⁸ Նույն տեղում, էջ 109:

որակապես ձևափոխեցին համայնքը: Նրանք զգալիորեն աշխուժացրին համայնքի ինչպես մշակութային, այնպես էլ հասարակական-քաղաքական կյանքը և փոփոխություններ մտցրին քաղաքական ուժերի հարաբերակցության մեջ:

Վալանսի քաղաքական կյանքի էպիկենտրոնում են գտնվում այնպիսի համահայկական հարցեր, ինչպես հայ դատը, Հայաստանի տնտեսական և քաղաքական կացությունը, Ֆրանս-թուրքական ու Ֆրանս-խորհրդային հարաբերությունները և այլն:

Վալանսում ներկայումս գործում են բազմաթիվ միություններ, որոնցից շատերը նոր են ստեղծվել, իսկ մյուսներն ունեն տասնամյակների պատմություն: Բերենք այդ կազմակերպությունների անդամների թվերը, որը և պատկերացում կտա վալանսահայ համայնքի հայապահպան առավել աշխույժ հատվածի մասին: ՀԲԸՄ-ն կանանց և երիտասարդական իր ենթախմբով ունի 310 անդամ, ՀՄԸՄ-ը՝ 40, ռամկավարները՝ 30, յաշնակցությունը՝ 100, Հայ դատի հետապնդման հանձնախումբը՝ 10, Կապույտ խաչը՝ 60, Վերսի սերունդը՝ 30, Ֆրանսահայ մշակութային միությունը՝ 60, ԺԱՖ-ը՝ 10, Ռոմանի ազգային միությունը՝ 15, Մալաթիայի և խարբերդի հայրենակցական միությունները՝ 200, Հայ նախկին ռազմիկների միությունը՝ 20: Ընդհանուր առմամբ հայ հասարակական կյանքի ակտիվիստների թիվն անցնում է 1000-ից: Վալանսահայ համայնքի մյուս մասը թեև որևէ կազմակերպության անդամ չէ (անդամավճար մուծող), սակայն իր գերապատվությունն է տալիս դրանցից որևէ մեկին և մասնակցում դրա նախաձեռնություններին: Ներկայումս Վալանսում կարևոր դեր է խաղում կրոնական համայնքների և կազմակերպությունների ներկայացուցչական մարմինը՝ Ազգային միությունը, որի գործունեությունը նպաստում է համայնքի միասնականությանը և հայապահպանմանը: Այս կազմակերպության ղեկավարությունն ընտրվում է ղեկավարատան կան ճանապարհով: Վարչության մեջ ընտրվում են 5 հոգի առաջնական, և 2-ական հոգի կաթոլիկ ու բողոքական համայնքներից: Միությունն ունի նաև օժանդակ աշխատողներ: Այն իրականացնում է կապը նաև Վալանսի քաղաքապետարանի հետ, որը շահագրգռված քաղաքականություն է վարում հայ համայնքի հետ: Դա բացատրվում է նրանով, որ Վալանսի հայ համայնքն իր քանակի և տնտեսական ակտիվության պատճառով զգալի դեր է խաղում քաղաքի կյանքում: Վալանսի հայ համայնքը Փարիզից, Մարսելից և Լիոնից հետո շորորդն է հայերի քանակով: Քաղաքի 10 բնակչից 1-ը հայ է և այս համագամանքը չի վրիպում Ֆրանսիական քաղաքական-վարչական անձնակազմի ուղադրությունից, քանի որ ապագա ընտրապայքարում հայ համայնքի կողմնորոշումը կարող է վճռական լինել:

Վալանսի կենտրոնում գտնվող հրապարակներից մեկը կոչվում է Միսաք Մանուշյանի անվամբ, նույն հրապարակում է գտնվում Եղեռնի զոհերին նվիրված հուշարձան, կա նաև ճեղհան, Հայաստանի մայրաքաղաքն անունը կրող փողոց: Վալանսի քաղաքապետարանը համայնքային կենտրոնի համար հայերին մի մեծ ֆրանսիական եկեղեցի է տրամադրել, որը վերականգնվում է և փոխելու է հոբաբարձության սեփականությունը: Այս կենտրոնն օգտագործվելու է նաև մշակութային և կրթական նպատակների համար:

Վալանսում ազգային կյանքն աշխուժացնելու ծրագրումները, համայնքային կյանքը իր հակասություններով և խայտարոցատվությամբ նպաստում են հայ համայնքի եթնոմշակութային դիմագծի պահպանմանը, սակայն մյուս կողմից հայ համայնքը գտնվում է ուժացող ուժեղ միջավայրում: Էթնոտար-լեզվակող հատկանիշների կորուստը պայմանավորված է ընդունող երկրի մշակութային, կրոնական, սոցիալական, քաղաքական և այլ գործոններով:

Վալանսում ընթացող ուժացման երևույթներն ունեն ընդհանուր առմամբ նույն բնութագրերը, ինչ որ առաջիկա ֆրանսահայ համայնքը, սակայն ի տարբերություն մեծ քաղաքների (Փարիզ, Լիոն, Մարսել) փոքր հայ համայնքը հոգի ունեն նաև որոշ յուրահատուկ գծեր: Ֆրանսիայի խոշոր քաղաք-ներքին 2—8

ներում ապրող հայերն ազգային դիմագիծը կորցնելու ուժեղ մտանդի տակ են գտնվում մի շարք պատճառներով: Նախ, քնական սերնդափոխությունը կատարում է մամչիչի դեր՝ տասնամյակների ընթացքում ֆրանսահայ համայնքից խլելով հայկական հատվածներ, որի անդամները շունեն հայկական ազգային պատկանելության և ոչ մի հատկանիշ (լեզվի, մշակույթի, պատմության շիմացություն, ոչ մի կապ համայնքային կյանքի հետ, ֆրանսիական ինքնության զգացողություն և այլն): Բնակվելով, օրինակ, Փարիզում ֆրանսահայերը գտնվում են հմլրդական քաղաքակրթության և ֆրանսիական մշակույթի հզոր ազդեցության տակ, որը էթնոտեղեկատվության բացակայության պայմաններում լի վերջո հանգեցնում է հայկականության լրիվ չորուստի: Սոցիալական առումով նոր կյանք մտնող երիտասարդի համար անհրաժեշտ է իմանալ ֆրանսիական հարուստ մշակութային ժառանգությունը, պատմությունը, ապրելակերպի բարոյական և էթնիկական չափանիշները, որոնք և պարտադրում են զուտ ֆրանսիական կրթություն ու դաստիարակություն: Սա իր հերթին հանգեցնում է ազգային պատկանելության ընտրություն՝ հօգուտ ֆրանսիականի: Կան նաև քաղաքական, քաղաքացիական, հոգեբանական, ընտանեկան և այլ քնույթի ուժացնող գործոններ, որոնք մեծ քաղաքներում հանրային կյանքի արագության ու տեմպին ներառվում են համազոր: Հատկանշական է, որ հայերի մեծ վուտակումներ առկա են մեծ քաղաքները շրջապատող արվարձաններում կամ արբանյակ-քաղաքներում, ինչպես օրինակ, Փարիզի Ալֆորվիլ, Իսի-լը-Մուլինո, Կլամար, Լիոնի Վիլորբան կամ Մարսելի Սեն-Անտուան արվարձաններում:

Այս բոլորը հաշվի առնելով կարելի է պնդել, որ Վալանսում բացի վերը նշված էթնիկական գործընթացներից (խհարկե, ոչ բոլոր) առկա են նաև զուտ այս համայնքին յուրահատուկ երևույթներ: Նախ, Վալանսի հայ համայնքին բնորոշ է մեծ քաղաքների հայերի տարանջատվածությունը: Այս քաղաքում գոյություն ունեն հայկական թաղամասեր ու փողոցներ, որտեղ աչքի է զարնում հայերի ներկայությունը: Հանրային համապարփակ կյանքը նպաստում է համայնքի կենսագործունեությանը, իսկ աշխույժ հաղորդակցությունը՝ ազգային-ավանդական միջավայրի պահպանմանը: Համայնքի ազգային դիմագիծը պահպանելուն ուժեղ օգնում է հայերի քանակը (համեմատած քաղաքի ընդհանուր հետ), որը նրան ուժ և ինքնուրույնություն է հաղորդում: Վալանսը Ֆրանսիայի չափանիշներով զավառական քաղաք է, որը սահմանազատվում է մեծ քաղաքների բոլոր կյանքից և որտեղ ժառանգականության մասին պահպանվել են տեղական ավանդական պատկերացումները, որն իր հերթին ազդեցություն ունի վալանսահայ երիտասարդ սերնդի ազգային ինքնագիտակցության ձևավորման վրա: Շատ կարևոր է նշել մի փաստ ևս. ֆրանսահայ համայնքի շորորդ սերնդի մեջ ուժեղացել է հետաքրքրությունը դեպի իր արմատները և այս երևույթը պեռես կարող է գիտական լուրջ գնահատականի: Իրենց դաստիարակությունը ստանալով հայկական դիմագիծը և ավանդական նորմերը մեծ չափով կորցրած ընտանիքներում, ունենալով զուտ ֆրանսիական կրթություն, մեծ մասամբ անտեղյակ հաժողովրդի հոգևոր-մշակութային ժառանգությանը, նոր սերնդի մեջ առաջանում է էթնոտեղեկությունների ձեռք բերելու ցանկություն: Այս երևույթը կարելի է որակել որպես քացառիկ: Արա բացատրություններից մեկն այն է, որ հայերն իրենք են ունենում փոշոր իրադարձություններ, որոնք ունեն միջազգային արձագանքներ (արցախյան շարժում, երկրաշարժ) և հայ ժողովրդի մշակութային ժառանգությունը ճանաչվում է քաղաքակրթական աշխարհի կողմից: Այս ամենը ֆրանսահայ երիտասարդության կարևոր մի հատվածին մղում է վերադառնալու իր արմատներին և վերարտադրելու հայկական ազգային ոգին:

Նկնելով Վալանսի հայ համայնքում տեղի ունեցող էթնիկական գործընթացների ընթացքից, կարելի է ասել, որ այս համայնքն ունի գոյատևման հեռանկարներ:

АРМЯНСКАЯ ОБЩИНА ВАЛАНСА

Н. А. МҚРТЧЯН

Р е з ю м е

Расселение армян на территории Франции шло по трем направлениям. Одним из районов проживания армян стал Рон-Альпийский район. Большинство армян сконцентрировалось в Валансе. Этнокультурные и политические процессы, происходящие в Валансе, характерны для армянской общины Франции. В настоящее время община Валанса является жизнеспособной, там ярко проявляются тенденции развития и сохранения самобытности общины.